

滇行紀程集



眞行紀程集卷上



保定府

唐以前皆分屬中山保陽等郡後唐置奉化軍宋置保塞軍後改保州元為保

定路明

為府

茶棚酒社六街塵密迷京華慣效顰殘夢不知霜滿

驛還疑紅葉御溝新

閏七月秋霜早隕

方順橋

保定南五十里屬滿城縣漢北平縣地唐曰滿城

滌洞秋水古社多野店笙歌奈若何怕向朔風催去

馬朝來已別石橋河

新水至滿城為方順河漢光武被銅馬五幡於順水節此東流

全清苑為

石橋河

望都縣

漢縣金曰慶都有翟城驛

蜀黍如林走望都平疇何處見龍孤匆匆攬轡翟城

驛梅不臨泉看湧珠

龍孤慶都見史記秦本紀蓋恆陽縣有白龍山唐縣有孤山也

志謂縣西南有沈家泉湧魚泉俱平地湧出未及訪覽

清風店 定州北四十里

館娃流盼正囊空故舊班荆又太匆無定萍蹤成一

笑朝南暮北鄭公風

順德太守鄭君春溪余姻也余自南徂北則鄭君方自保定回

郡遇於定州之北及余出都則鄭君又北上引見
遇於定州之南地名定州而兩人行蹤無定如此鄭
君素善謔仰見清風
店署字不禁狂笑

定州

古鮮虞國戰國為中山漢晉因之元魏改定州隋為博陵郡唐義武節度治此宋改

定武軍

安喜城堅滋水深武靈北伐魏南侵承平祇有中山

酒醕酖時為出塞吟

州治漢盧奴縣東有安險舊縣漢章帝改為安喜唐改盧奴入

安喜為州治明省趙武靈王滅中山遂却燕關地千里元魏建行臺於此南牧河濟必先集中山滋水州北八里即唐縣之唐河

中山靖王冢 定州城內

中山遺冢有園林校尉何緣未摸金偏是蘭亭一片

石黃壚窮索到如今

明月店 定州南三十五里

未到雞鳴卸橐裝

雞鳴臺在店南三十里光武宿此

酒香轆釜月盈

廊金盆漸側琵琶歇但與離人照斷腸

北地酒館菜熟皆以杓擊

釜有聲

新樂縣

漢中山王母建宮於西鄉之樂里因呼西樂城譌為新樂隋因以置縣

新市渠流似織梭誰知泝

音孤

水更沙河鎮州戰壘休

憑弔茅店三家白草多

縣故漢新市縣地泝水在西南為慕容麟與拓拔珪攻戰

處沙河亦在西南郭汾陽敗史思明李存勗敗契丹皆於此冬時水涸一望平沙盛漲則渡涉六七渠通

口新樂河也

伏城驛

正定府北四十五里屬藁城縣漢縣

婦稚能知邃古年行人指點卦臺前土門灑盡常山

血荒驛無碑記醴泉

寰宇記新樂縣西有伏羲故城城中有羲臺今驛北十里有畫

卦臺顏常山開土門殺賊將何千年於醴泉驛通鑑注驛南直趙郡今無知者良可慨也

正定府

漢恆山郡以諱改常山唐曰鎮州置成德軍後唐改真定府

南來天塹是滹沱漫說陘山險要多搨得巨碑風動



四

字不知功德頌清河

行館有巨碑矗立為唐成德節度清河王德政碑蓋即李寶臣

也王士則書下半剝落土人見有風動字但名風動碑金石萃編載之

樂城縣

關城驛晉樂書封邑

關城驛是故關城北上常山冶水橫誰識帝躬征陷

處任來殺虎林中行

縣故漢關城縣東漢改樂城冶河在城西北隅水漲入滹沱即

決溢為害殺虎林在縣北十五里唐敗突厥於此因名契丹耶律德光入汴北還卒於此以鹽實腹載之

而行人呼
為帝把

趙州 東漢置冀州後魏為趙郡北齊為趙州隋初分樂州置

高邑中興應識謠望臺連漢鬱峇崑於今甌甌城邊

落不及洹河大石橋

光武擊破王郎於鄗明年自薊還鄗羣臣勸進因即位鄗南更

名高邑望臺在州城東南志謂耿純所築以望光武洹河州南五里安濟橋跨其上俗呼大石橋堅固寬廣託為仙跡

栢鄉縣 隋分高邑置

白首馮唐標故里嘔心賈島說詩仙行人車殆馬煩

日一見螭跌一鞮然 有新碑題馮唐故里賈浪仙祭詩處

內邱縣 漢中邱縣隋諱忠改內邱

行潦一溝及馬腹脫駮兩岸待雞鳴方亭惟石俱無

恙陡憶前官說水畊

內邱北有沙溝夏間驟漲余以與夫頂鼻而過行李卸置岸天

明始渡館有亭石十年前與
一縣令話北直水利於此

圓津菴 內邱南
二十里

築室力田僧不惡同龕彌勒貌常新壁間詩筆摩挲

火茶罷依然一丈塵

菴為方慤敏公養病處有龕設
主香火不斷僧以捐田自贍餘

以修葺不事諷唄詩碣滿壁茶
罷出門殆孔道中清涼世界

豫讓橋 順德北
五里

六

義不帝秦耻遁藏復仇無計托佯狂當年易水衣冠

白何事同行召武陽

張公橋

順德西北舊為通道李克用出青山口
爭邢治必經此橋橋疑以張果得名

鴛鴦水上望仙翁山色泉聲幻化中若使河東知此

意虹橋也應避張公

鴛鴦水即百泉水在城南唐以
張果游憩處名仙翁山在城西

北

順德府

古刑國秦曰信都項羽曰襄國石虎隋場皆曰襄國郡唐曰邢州亦曰鉅鹿昭

義軍分鎮於此宋宣和初為信德府元為順德府

危樓峻榭翼雕闌南下沼磁易走九千載戰場鉅鹿

下青山襄國幾登壇

府門觀臺極雄麗鉅鹿即平鄉縣項羽破秦兵鉅鹿下即此青

山城在府西北河東朱梁爭戰處襄國石勒滅劉曜冉閔滅劉顯皆在此

沙河縣

順德南三十五里隋析襄國置沙河縣

罄口鐵官利到今鳴沙埋轍馬蹄深寬徭薄賦重

丹詔無事倉門車輦任

罄口山在縣西南漢置鐵官今多治國朝以縣多荒沙

省徭役不置驛縣舊有倉門唐征劉黑闥於河北置倉通餽餉或云昭義軍李抱真與田悅相持置倉供

軍亦謂之

倉口也

臨洛關

漢易陽縣隋改邯鄲後改臨洛宋省為鎮今置驛屬永年

邢洛巖峙付空談剩有孤城孔道南幾度秋風催過

客木棉如雪壓征驂

廣平舊為郡國後周始置洺州至元改廣平路明為府縣產棉

花近關有搭連店

皆販布棉所集

盧生祠

邯鄲北二十里扁曰邯鄲古觀

顏盡離宮餘古栢飛過凍雨倒疎荷枕頭一夢尋常

事爭奈詩人題句多

邯鄲縣

屬廣平古趙都

屠蘇何處是叢臺况說溫明殿已灰行到邯山將盡

未據鞍競渡幾遲徊

縣多平屋驛尚名叢臺相傳邯鄲宮趙王如意所建光武平王

郎居邯鄲宮溫明殿也邯山名鄲盡也縣與磁州交界處有坡陀秋水驟下深及馬腹縣南積水數里襄涉至驛蓋卽渚沁二水瀾湯不及入白渠耳

磁州

古邯鄲郡地後周置成安郡於此治滏陽縣隋曰慈州唐改磁州宋改磁明省縣入

州

雙流豈為陷戎馬沒骸新泥行路賒壞磴頽城何日

築西風吹倒茨菰花

州北開雙渠夾道種芟荷民以爲利城橋舊極壯麗以地震傾

圯殆盡費繁

未議修築

豐樂鎮

磁州南三十里臨漳河屬安陽縣

漳渠利漕事茫茫講武城荒烟火長估客但來豐樂

鎮行人邨解愁思岡

曹魏通漳饋糧名曰利漕渠講武城在磁州南愁思岡在彰德

府南曹植悲吟於此故名契丹執晉少帝北還登岡飲酒因訛爲愁死岡

彰德府

河亶甲居相卽此戰國爲魏之鄴地漢曰魏郡東漢徙冀州治此元魏兼置相

州石晉置彰德軍金爲府

堪笑曹袁鬪一隅慕容石虎又爭駟三臺圯盡漳流

瀉枉費儉人賦魏都

鄴城在臨漳縣西袁紹自爲冀州牧鎮此曹操拔其城建鄴都

作三臺曰銅雀曰金虎曰冰井石勒使石虎攻

鄴石虎旋都焉慕容雋亦都之今俗呼鄴鎮

安陽縣

本魏新寧中邑秦曰安陽縣凡四遷周末移魏郡治此朱梁分天雄軍置昭德

節度於此

洹南蕩蕩望殷墟繞過安陽清浪徐若向魏城尋故

蹟萬金渠與千金渠

縣本朝歌地項羽與章邯盟洹水南殷墟上卽此洹水經安陽

曰安陽河萬金渠在府城西引漳水溉田千金渠卽唐之高平渠韓魏公疏之置水磴改曰千金其水繞

城而流

湯陰縣

湯古讀曰蕩魏使晉鄙救趙畏秦止於湯陰卽此漢爲縣

翩翩公子性情真袖裏金椎過蕩陰宿將持威空嘆

咄信都覆轍彼何人

郭汾陽李西平入井陘留兵戍守常山諸將懼不能守請於信

都太守烏重恩俾移據常山與晉陽相首尾重恩不從常山敗而河北悉陷王庭湊等專恣皆由於此

岳忠武王祠

來往幾番今下拜廟門石磴卽天梯欲窮奸檜甘心

事南宋雜詩在浙西南宋雜事詩
蒐羅極富

蕩陰城今縣西南有碑題
稽侍中濺血處

虎澗龍山舊有名鄴城迢遞蕩陰城侍中碧血塵香

甚散入千年湯水清龍山洹水所出魏都
賦龍山虎澗是也

宜溝驛湯陰南
三十里

土薄石堅渠水空秋蕎雪白豆花紅信陵疑冢寒烟

裏付與詩人屬對工一寺僧為余言湯陰土薄三尺下皆白沙石故老樹甚少歛

縣曹文正公會作中州懷古詩
每云信陵疑冢天生絕對也

淇水淇縣北
三十里

斷橋側畔一碑留亂石毀轅水自流瓠子歌時淇竹

盡出門何計寫心憂橋甚堅土棍掘坑以困行
旅時河決中牟方議築塞

淇縣唐宋時衛縣之鹿臺
鄉元為淇州明改縣

青巖隱者久逃形簾洞林泉路不經伐竹肆兵曾借

寇龍孫尚有數竿青

唐甄濟隱於青巖安祿山不能辟上有簾洞在縣南寇恂伐淇

園竹為矢今節中栽

細竹數竿娟娟有致

衛輝府

秦三川郡地漢河內郡魏曰朝歌郡晉曰汲郡周曰衛州元曰衛輝路明改府

城圍土塞記來時泉水秋來入故坡驀地北風千里

勁頓教滿奮畏玻璃

夏間百泉泛溢水幾入城適有客言一宦體肥畏風不能北行

十一

新鄉縣

隋於新樂城置縣

臨清關廢五陵摧茅店傳餐飯著煤南望故城還太

息捷書曾獲呂嘉來

臨清關在縣東臨衛水隋時掘塹於此五陵岡亦在縣東獲嘉

故城在縣西南十二里漢武帝東巡至此適滅南越獲呂嘉首以獻因置縣

鄘國

新鄉南三十里

胙城城廢黃流絕可有倉厥建御河莫道附庸疲貢

賦邨鄰久已入朝歌

明永樂中有建言開衛河距黃河百步置倉廩受東南饋運

亢村驛

新鄉南五十里屬獲嘉縣

黃河水氣逼風天傳舍打頭低似船但向館人勤問

渡不知舊是攢茅田

縣東北有茅亭周桓王以攢茅與鄭卽此

武陟縣

漢山陽縣地隋析修武縣置武陟黃河北岸屬縣有隄

候人亭下好田疇濁鹿城頭濁浪浮待到木欒尋故

瀆應知沁衛不同流

晉郤至與周爭鄆田劉昫云武陟有候人亭濁鹿城漢獻帝廢

居於此卽縣治黃河隄高於縣城沁水東岸爲木欒店距衛河百里明時沁決有欲引沁入衛者科臣常

居敬言沁濁衛清必

至淤塞運道議遂格

滎澤縣

黃河南岸漢滎陽縣地隋置廣武縣尋改滎澤

濁水平槽喚渡船狂風不礙一繩牽中流飽沃黃梁

粥聽說滎陽楚漢年

黃河堤上小米粥極醲腴楚圍漢王於滎陽故城在縣南十七

里土人皆能言之

邙山

舊時河水嚙山足今日下船山尚遙恣食鱸魚鴉種

麥輪蹄碾處盡青苗

黃河舊在縣北三
里今二十餘里

鄭州

周管叔國鄭東遷於此韓滅鄭徙都之晉
置滎陽郡後周改鄭州治管城縣明省入

州

十四

黃塵隨馬上鬚眉渴肺餐風欲語遲休論管城食肉

相跨鞍且嚼鄭州梨

新鄭縣

春秋鄭國漢
置新鄭縣

岡下驟綱岡上呼大驪從古有迷途村童指說歐陽

碣能誦瀧阡岡表無

大驪山卽具茨山在縣西南四
十里城南有歐陽文忠公墓表

設奉祀生或

云衣冠塋也

溱水 新鄭南門外

來時泛艇去褰裳溱水如環過女牆東里祠前烏幕

下溪風送與澤蘭香

路經東里祠澤蘭即簡中州園圃極多通呼香草方書中辨證

願詳

贈

許州

漢潁陰縣地東魏置長社縣為許州治唐以後皆治此明省縣入州許昌城在州東

三十里

石固岸亭道路疲秋風菱芡滿湖陂賦傳景福兼狂

草為附當塗受禪碑

石固鎮在州西北五十里為通襄城驛路岸亭在州東北二十

八里東湖在州東溟水所經多菱芡魏受禪碑鍾太傅書尚完好景福殿賦有孫過庭草書 大內刊本

先少司馬兄

蒙 賜一冊

草地

許州南二十里通臨潁驛路

帶水拖泥野寺投烹茶餽餅竟忘憂猛看壁上前賢

句盡是皇華雪瓜留

臨穎至許道窪多淖草地野店數間比鄰古寺壁間有韓桂船

尚書及諸公題幘皆避賜

待霽留連餓頃所作也

穎橋

襄城西五十里

穎谷祠傍又穎濱

邑祀考叔及蘇子由

淮西平後少風塵橋頭

鎮日連鑣過清似使君也可人

哥舒曜討淮西叛帥李希烈至穎橋遇雨

而退裴晉公討淮西至縣東二十里白草原擊却賊騎

襄城縣

春秋鄭汜地以周襄王避狄難出居於此故曰襄城漢置襄城縣

肩摩轂擊三條路红柿黃梨百頃園我欲買田泉

任還愁棗栗誤兒孫

羅念菴輿地圖以襄城為泉地縣多果肆販者接軫

汝瀆城

葉縣東北二十五里高齊置縣於此唐省

汝瀆清淺竟容刀落葉聲中問渡勞一自黃城山下

過半程陂水半亭皋

汝瀆水不甚深以岸高沙軟方舟載渡黃城山在縣北十里沮

湯所耕有問津橫碣東西二陂傳為葉公所鑿
縣有汝水湛水昆水湮水繚繞東下襄沙相繼

葉縣 春秋時楚地秦曰葉陽漢為縣唐初置仙州尋廢

城圍處處題仙吏仙去如何有墓園

有范喬墓

但信鄭卿

嘗聘楚不將車馬毀宮垣

旅館甚厥

舊縣

葉縣西南三十里卽昆陽故縣

奔流雜遝下層岡沮洳如何聚宿糧虎豹新兵四十

萬縱無雲壓也傾亡

邑無大險可據又非平原利於馳突兵逾十萬一營挫衄踐躐

立斃平叔不法正以形勢在曾不以多寡相較白帝
連營陳陶同日皆以兵多為累此淮陰所以有將萬

將十萬
之論也

漢光武帝祠

在舊縣有王莽反縛像

三十年前謁帝宮階前面縛白頭翁高臺威斗今安

在泉志猶存貨布銅

裕州

楚方城地後魏置方城縣唐宋因之金改裕州明省縣入州

牛車負擔溢通衢更有鳴駝夜半駢不到漢皋康麗

處虛訾平子賦南都

石家店帆檣所集由此登陸一都會也

博望驛

南陽府北六十里漢博望故縣

鋒車驛驛向炎方博望城邊繫馬忙忽見籬東花數

朶始知秋色近重陽

六

南陽府

秦南陽郡以在嵩山之南漢水之北凡水北皆曰陽

石路崎嶇秋草荒方城山下是南陽若教菊水通官

道應減行人鬢上霜

菊潭在內鄉縣

瓦店

卽林水驛新野北五十里白河隄上

籃輿驀地見帆檣便可乘槎向岳陽欲聽大隄歌

曲楚聲只唱臥龍岡

宋時有議鑿白河通蔡河達湘澧之舟於汴梁者塹山堙谷功

卒不就漢召杜晉杜豫皆濬治泌湍諸水
漑田今不種稻俗喜武但唱三國演義也

新野縣 漢縣

赤伏符殘白水渟銅塵撲地酒帘青試求種樹樊陂

下莫向雲臺數將星

樊陂在縣西北樊重兄弟居此善農開陂故名

新鎮

卽呂堰驛樊城北六十里屬襄陽縣

接離沉醉池安在裘帶風流碑次平沔北沔南爭戰

地岳家兵與孟家兵

岳忠武敗李成於襄江孟珙敗金將武仙於呂堰

樊城

樊仲封國漢末為戍守處

千里黃塵撲面來襄樊宿麥未全栽滿城風雨

話不為催租興已頽

白酒黃梁民氣豪帶牛佩犢要潛銷短衣疋馬縣官

出玉帳牙旗虎士驍

適縣令下鄉捕盜

老龍隄

洗足登船卸短衣
琴書矮榻坐斜暉
緣何晚飯都忘却
看徧遊人緩緩歸

襄陽府

秦南郡地漢末為荊州徙治襄陽縣魏置襄陽郡治宜城西魏為襄州宋升為

襄陽府

虎頭岡上中興將
龍尾洲前殉國臣
唯有隆中頻點

二十

綴蒼蒼西北萬山新

龍頭山在府南三里岑彭破張楊於此龍尾洲在府東南三十

里宋張貴破圍被執處隆中山在府西北二十五里諸葛武侯隱此蘇詩萬山西北古隆中萬山在府西十里即杜預沉碑處諸葛廬近時常修葺之

宜城縣

楚鄢縣漢改宜城

蠻水彎彎送客船
宜城佳醞醉陶然
有人若問將軍

腹白麥黃芽壓載偏

彝水至縣南入漢桓溫以諱改曰蠻水俗以物實船曰壓載余

行李少買麥菜裝舟以
供食且襄陽所產也

十日應須見鶴樓漢陰買藥小勾留蕭間莫管南行
路待放梅花到益州

附

鍾祥令爲余言秋間漢水陡漲忽挾膠泥土

人疑黃河伏流浸入理不可曉小詩紀之

曾向黃河朔上游舊隄遺堞露中洲鴨頭那得泥三

斗除是張騫問女牛

官莊店 安陸府北

六朝管鑰石城門南轉荆湘北走樊豐樂渡前頻駐

馬官庄田廢漢江渾

安陸故石城郡水經注石城西城因山爲固今西門亦曰石城

自羊祜以計去吳石城守杜預轉漕零桂吳勢日蹙
厥後石虎攻石城未拔晉賴以安魏人得石城而梁
以殆蓋守江必先守漢漢之重鎮在襄樊而安陸爲
後繼元人絕朱饋運而襄陽始不能支矣豐樂渡在

府北九十里舊有九龍灘等港以分洩漢水明時淤
澱軍民官庄爭墾爲業水患日甚今官庄雖廢而湖
港久堙鄖水驟發泛
溢爲災屢請蠲緩也

鍾祥縣

楚郊郢地漢竟陵縣晉置石城戍爲竟
陵郡治劉宋設萇壽縣西魏改長壽明

嘉靖中置

鍾祥縣

鳴榔恰得故人風長壽人家一瞬中金港板橋渾不

見直南大半晚燒紅

是日新升永順府覺羅隆恩船
相值維舟久談風利不得泊晚

三

至洲邊下柯南望野燒燭天蓋荆門州之章山卽內
方山也板橋灣有隄金港流漣二口通枝河達赤馬
野豬等湖分洩漢流今多淤塞金港在城
南源出楠木山卽楚子卒於楠木之下也

馬良口

故基州城在內方山東
北明以馬良益鍾鄉縣

馬仰雞頭天一丈但看秋色過荆門維舟往事難廻

首石破天驚礮火焯

內方山一名馬仰山又有雞頭
山最高諺云雞頭馬仰去天一

丈士長癸巳連年過此水患頻仍盜舟如蟻適以南
風大作繫纜江澗同行估船四面鱗集蓋籍官舟捕

盜兵役以爲守禦是夜銃聲不絕迨曉詢之武弁云湖港中盜舟出沒有來者以銃驚之使去人衆路岐不敢捕也

沙洋

荆門州地去安陸府迂迴幾三百里

鎮隄不遺水西流木杪參差齊柁樓水府廟傾犀鐵

落長湖風浪幾時休

沙洋鎮與紅廟隄南北夾東漢水逼使東下水利考謂控荆門

江陵監利潛江沔陽五州縣之上流自綠麻口直衝沙洋隄二十餘里軍民屢居其上蓋漢水西南決則

三

直達江陵其患甚鉅然兩岸相距不過數十丈夏風一溢潰決相聯且長湖百餘里旣不能入江又不能入漢局於隄防浸沒田疇而水賊巢穴倏忽無定行旅尤病之凡言水利者皆以修隄爲事不知水無所容所謂川壅而潰所傷實多况沙淤漸高其從前之高阜浸尋與水相埒民幾無邱陵可避沙洋隄甚堅邇來漸圯於水若有傾決建瓴而下鎮爲魚矣而長湖爲赴荊州沙市捷徑舁舟過隄兩宿可到商旅之所趨驚則緝盜爲要務矣

澤口

屬潛江縣縣故白

狀鎮宋升爲縣

石牌澤口皆津要過此登舟更舍舟今日片帆隨漢

水喜無行李頓星郵

石牌在鍾祥南一巨鎮也凡由漢赴荆門州必從石牌登陸赴

荆州者必由澤口登陸夏間亦可易舟至江陵余視學時往來屢矣潛江天門京山沔陽治皆不臨漢水

上

寶塔灣

屬潛江縣

秋場處處打新禾隄上雞豚野廟多不似昔年波浪

三

裏灣西人哭灣東歌

水利考塔兒灣決口在潛江而天門罹其害蓋卽此地

京山隄

有牌計隄長若干里紫金潭拖船埠皆當隄築

船埠金潭截漢衝何時版築計功庸富人郡縣原平

坦三澁於今屬澤農

縣有以澁漳澁遠澁說者謂卽禹貢之三澁與天門縣接界今

堙

岳家口

屬天門縣

岳家口市曉烟騰枕上樓臺過竟陵不用催詩頻擊

鉢扁舟去似脫鞴鷹水寂 迅急

蚌湖屬潛江縣 接通江漢

蚌湖湖裏是人家活活泉聲徹耳譁見說隄南田更

好將船載屋過江臨水居民屋作兩三架遷移則以船載之

附 沔陽道中作

三五

曩歲一湖白今番兩岸賒前數歲天門隄潰漢水與太白諸湖合為一零

星成晚市晴美瞭棉花禾藁積如屋筏篷牽作家見適

筏上卸一茅蓬南鴻聲更樂先我過長沙

置岸上為廬以居

拖船渡沔陽州西九十里外漢內湖拖船過隄故名

久將故瀆混潛沱踰澗越堤一艇拖四十四湖波水綠

淼只憑塊土障襄河江漢盛漲俱注沔陽不分潛沱矣舊時漢水播於諸湖分洩入

江嘉靖時沿漢爲隄至萬餘丈屢築屢潰兼之各口淤墊爲陸水無所容昔人謂江漲則沒東南漢溢則沒西北江漢並溢則爲大壑非隄防所能禦其說信矣志謂州境湖港四十有四其大者周百餘里小者數十里皆匯於太白湖

仙桃鎮 屬沔陽州有
州判駟劄

檣燈岸月逐瀾翻舟泊三更渡口喧忽憶從前風雪
夜一尊清酒醉糊繇 壬辰歲杪過此風雪三日幕客不能相過適自施南攜小糊繇

與之酒人立而飲旋飲旋醉醅酏之態與人無異不似王孫之躁矣

漢川縣 漢安陸縣地後周置甑山縣宋曰義川尋改漢川

漢水雙分下漢川要從湏口與江連經流漫說劉家
隔雲夢區區數點烟 漢水入境分二流一由張池口經縣南一由劉家隔同於湏口入漢後水淤滯劉家隔之舟船不得通於漢川今唯赴德安府由此至雲夢縣登陸西魏於雲夢古城置縣今澤已堙湏水在縣西二里南入漢川

陽阻風有感五絕句

無峯孤負石尤滯客蹤迴首去年風雨

芙蓉

臺在湘南節署

又一村東偏

清淒驚雁橫過鳥亂啼同氣已無唯姊

原上望淮西

行人樂獨夜危檣坐客空紅葉淥波圖畫

三七

裏不將短髮試長風

彎環河廣真杭葦前後舟聯若比鄰欲喚琵琶歌一

曲隔牕司馬恐傷神

是日所見

南陽黃菊滿園綻漢上籬邊無一枝更覓買糕人不

見劉郎何興復題詩

蔡店

漢陽縣

六十里

翼際山頭禹廟餘斜陽漢口鳥飛徐榻來蔡店風光
好但少天然二寸魚翼際山即大別山蔡店登高即望見之昔時咀風泊此適漁人
得銀魚買以秦酒鮮
美無比作詩以紀

漢陽縣

憶昔題襟迹已陳輶車仍自往來頻晴川閣對皇華

館應笑常爲江漢人

余少時侍先光祿學使署中後二十餘年余復視學楚北又

手

六年餘復讞案江夏留滯兩月餘又三年以調任浙江自湘南至鄂登陸北上旋調滇南迂道至此以舟行省費故也

附

黃州紀程詩

適以事赴黃東行二百里往返十餘日時江水平定岸上人家

漸次復業與前時所經氣象迥殊附記於此非赴滇徑路也

陽邏鎮

黃岡縣西百二十里

鄂州東下指陽邏北管森巖一棹過萬斛舟輕如使

馬順流無限此風波

鎮與江夏分界相傳劉先主招孫權拒棊於此邏吳兵之至故

名由黃陂北來至此渡江即武昌府城東江岸矣元

忽必烈由此圍鄂州伯顏亦攻此堡夏貴潛遁也江

水合漢水至此水

勢益盛滔滔東注

新生洲

黃州西九十里相近有崢嶸洲

崢嶸洲畔又新生汊港時時誤客程落漲參差秋樹

倒霜根一繫野船橫

元忽必烈張傑作浮橋於新生磯即此崢嶸洲與武昌縣分屬

二十九

劉毅敗桓元於此亦名得勝洲秋後江落汊港淤淺行舟往往誤入進退為難

團風鎮

黃州府西北五十里湖北兌漕處

糧艘櫛比護江干岸轉沙迴風亦團北向光黃一線

路虎頭關隔楚雲端

鎮為估販所聚凡由楚赴光固者皆於此登陸僅隔麻陽一縣

耳虎頭關在麻城北七十里接商城界土人通呼界嶺余每欲由此至原籍拜掃迄未能遂

黃州府

楚滅邾遷其君於此漢為邾縣西陵縣地未為西陽郡齊分置齊安郡北齊置

衡州隋改黃州
元屬河南明改

西陵山後是中州黃土白沙戍鼓收試掬雪堂江裏

水幾條曾自故鄉流

縣故楚西陵邑漢置西陵縣縣北有大山綿亘八百里俗呼西

山白沙關在北黃土關在麻城北同虎頭關穆陵關
大城關為五關李道古乘五關而元濟誅李壘修五
關而女真遁忽必烈張柔入五關而鄂州震關為光
汝交界山谷盤阻巴河出霍邱靈山閭家河出固始
石門山義井河亦出固始
界皆注於江經黃州境

三十

黃州雜事詩

陶鳧薊觀察有詩三十首偶述所憶以補其遺

十圍老桂雪堂東偏說強徒欲借骸

雪堂桂樹數百年物土人以為

有神

憑依 試覓骨牌靈草看橘中休詫賭棋翁

桂樹經二百年則生

骨牌草余於杭州闈中老樹上得之天地人和點畫
不素樹下香楮堆積或戲謂桂神亦喜葉子戲然亦

奇矣

沙岸柴門萬竹懸竹籬高揭聚漁船直牛賣得頭鮓

去又打西山縮項鱖

舊時鱖魚先獲至三十千鱖魚以西山下為肥美價亦不廉

半晦園蔬終歲穀東坡何處剩誅菘滿田豌豆紅花

菜便是元修大小巢

大巢即翹搖詩經旨苕也俗呼紅花菜亦呼翹翹小巢即野豌豆

豆詩經薇也田家猶摘食之

李時珍考證甚晰人多不辨

銀袍鶴立氣行行春歲冬科選佛場忽叫朱衣人印

卷紛紛叩首夏明王

黃州考棚試時曾有童生於號中見朱衣人以印叩其卷大叫

三五

而狂或遂不救余取視之其印非朱非黃作硫黃氣亦楷書也聞近時亦復有之場內外祀夏明王或云

三姓冢址也試者不敬即有所見云

赤鼻山

在府城西北屹立江濱東坡以為赤壁頗為後人所詰但蘇公必非無據

邾城重鎮吳門庭赤鼻臨江亦地形嗤點流傳前後

賦詞人原不注山經

陸遜曾城邾置戍即今府治吳欲都武昌則黃州即門戶矣

樊口

但從樊口渡朝暉不向樊山上翠微行過三江渾未

識大回網得鱖魚肥

樊山在縣西三里卽西山水注江曰樊口志云江至縣播爲三

但洲嶼出沒年年遷移莫能辨識江流回曲處在樊口曰大回在釣臺下者曰小回武昌魚肥以洄洑處爲所聚也

塘閣

江夏城北泊舟處

送雨東風兼送客本從西去又西歸青山磯上黃金

浦遮莫鑼聲泊鶴磯

黃州時祈雨數日解纜時東風大作好雨竟日余行李皆留江

夏舟中匆匆來往僕人迎候有似歸來矣青山磯在城東二十餘里對岸卽陽邏黃金浦本黃軍浦黃蓋屯軍處其上卽鸚鵡洲黃鶴樓也

皇華館

江夏城西爲送迎之所

花館從容避暑時烏雲半上雨如絲祇今燈火門前

泊雨冷風火枕簟知

唐人詩五花館內敢從容余夏間同眷屬過此熱甚留此三日

適望雨甚切雲作而雨不甚濕蒸
尤劇今以途中迂折不復登岸

鮎魚套

江夏城南數里昔人鑿以避風浪今木排皆聚集於此蓋即管家套又名陳公

套

木筏凌流似貫魚兇難牧豕一村居浮家踏浪年年

慣須識和舟載不如

成汭為荆南節度造大艦如衙署名和舟載後為敵所焚

沌口

漢陽府西南四十里與金口下竇家河相對

三

重湖風景似湖州村舍臨溪菰蔣稠莫道臨嶂謾赤

壁屯兵捕盜兩網繆

沌口上承太白湖周二百餘里臨嶂山在縣西六十里俗以為

赤壁陶侃為荊州曾駐沌口王琳與侯安都亦戰於

此范成大謂沌港兩岸皆蘆荻袁港皆通小湖故為

盜區客舟非

結伴不可行

金口

在武昌府南即塗水入江處又南九十里至簪洲

雙闕中分一線東西來塗水亂山紅連檣到此真天

險况與周郎有便風

兩山夾江不甚寬廣塗水從西來循山通港戰艦至此逆流水

迅牽挽為難舳艫相接勢必壅滯若前阻進路旁從金口以蒙衝橫擊首尾不相救破之必矣赤壁數十

萬兵必當停泊此間風

利火猛安得一舸返耶

上下箴洲

嘉魚縣東北四十里其地回複風色不常又名拗箴洲

南去舟即北去舟上箴洲與下箴洲長年打鼓求如

願除是分風更擎流

嘉魚江行詩

枝水如駢指好風忽打頭幾迷南北轍分別夏秋流

夏間盛漲江直

浪濁江豚喜雲低塞雁愁迴腸應笑

秋後岸出江曲

我忻戚欲河求

附

維舟嘉魚詩

北地嚴霜切江頭景尚和隙牕流皓月密纜守潛波

坐覺衣棉重難禁燭淚多郵程仍萬里相警一吹螺

附守風沙阜詩

土人云蘆林潭其上為祭風臺疑蘆林即烏林在江北

前後迴颿入港樞飄零茆屋有人家瓦盆賤買雞鳴

酒雨葦遲烹蟹眼茶此日膺符還世外

宋牧仲詩何意膺符節翻

同世外遊前身行腳是生涯荒洲乍喜哀鴻少柁底炊烟

一道斜

三五

嘉魚縣

漢沙羨地晉沙陽縣地梁置沙州旋廢南唐升為嘉魚縣

灌磯魚嶽皆登陸陸口麻屯盡戰場東望武昌西夏

口應將赤壁屬沙陽

縣以魚嶽山得名山西北有灌磯山舊皆臨江江遷而在陸矣

陸溪口吳時屯兵為重寄麻屯在陸口東孫權平山賊麻保二屯於此赤壁有五漢陽漢川黃州嘉魚江

夏應以縣西七十里之赤壁與對岸烏林為據

白螺磯

監利縣東南百四十里形似螺山皆白土故名江水至此入沔陽境對岸即臨

湘縣界

巖巖苦霧一朝開放出螺山到岸來蟹舍魚莊環斷
港丹楓綠柳遮成堆

長隄首尾沔與荆尺地寸天共水爭惟有江心甌脫

地北南割界不分明

縣隄自荆州龍窠嶺至白螺磯長二百六十餘里縣與巴陵對

岸以江心為界但江水無定洲渚忽生忽陷一有盜劫之案或以舊時洲渚為失事之所彼此推卸久之

不勘

新隄

屬監利縣縣故華容縣地吳置監利縣

幾迴乘漲過新隄浪打人家樓下梯簇簇市門船晚

聚百牙乾鵲一聲齊

方輿紀要新衝河在縣西四十里通江陵漕河民居輻輳南接

大江內多重湖今有新衝隄濱江險要在縣西南五十里蓋卽此新隄也

鴨闌山

臨湘縣東北十五里相傳吳建昌侯孫慮作鬪鴨闌陸遜諫止之

亥市陳魚百簿灘舳舻千里塞狂瀾雲中水獵差堪
賦一笑吳王鬪鴨闌

附

臨湘舟中憶昔兼懷都門及途中姻舊有作

塵鞅憚驅車雙橈未敢徐因風退宋鷁入饌來江魚
野館秋聲裏 觚稜曉夢餘捫心無一事承 詔且

觀書

召對時有雲南事不甚繁尚可觀
書之諭舟中無事止開書帙耳

三

霜葉紅如此回峯望轉迷遙憐雲翼遠不似 上林
棲秋影清湘外巢痕 朶殿西幾行書欲寄南去不
飛低

黃羊吾有問

謂祁淳甫
大司農

文酒近如何憂 國心常醉

衝霜髻已皤似聞鯨死海定見鵲填河稻蟹江鄉足
力田應有科

上馬張京兆 謂陳子鶴大理
時權京兆尹 定逾五日期車聲留雪

轍客影集冰池前席 深宮語圍爐上壽卮姻親莫

湯逐萬里擁旌麾

清酒斲中聖風流如飲醇 謂徐仲升伯華昆
季及周芝臺閣學 狂言常

望子顧誤屬何人岐路托兒女天涯原比鄰汝南吾

昨過首種滿河濱

此去瀟湘曲采蘅應贈君 謂祝蘅畦
少司馬 多情憐臭味同

室靖紛紜 蘅畦與余同居數年雖僮
僕亦為約束不敢妄行 夜識金銀氣朝

稽水陸軍慮囚尤苦劇短晷想維勤 時查三庫
權少司寇

堪嘲胡索人此路半吾姻假道江黃國同舟骨肉親

謂漢黃道陶鳧薊觀察
黃州府徐蓉舫太守 犒師會藉鄭食盞又歌陳 謂
順

德府鄭春溪太守湖
南學使陳杏江侍御 兒婦郊迎日黔西見賀循 長子
冢媳

皆在賀藕

庚撫署

無材堪報 國六載始過門不謂山妻拙都蒙 帝

語温

召對時垂詢及臣妻子

做廬勤灑掃肯構望兒孫為寄邊

生被通家若弟昆

曾孫汝繹敬訂